

demia Lugdunensi in Hollandia, *Nicolaus Alemanno* Vaticanæ Bibliothecæ Præfecto, & *Iohanne Meursio*. 1618. & 19. Cometæ observando invigilavit, & cum *Petro Bertio* ex Hollandia Parisios adventante, ac Cosmographo Regio constituto familiaritatem contraxit. Coluit quoque his & sequutis temporibus *Iohannem Baptistam Morinum* Mathematicum Regium, *Pium Marium Genuesem*, *Claudianum Salmasium*, *Petrum Paulum Rubenium* Antverpiensem, pictorem celeberrimum, & totius antiquitatis studiosissimum, *Iohannem Iacobum Chiffletum* Medicum Vesontinum, *Iohannem Casparum Gevarium*, *Iacobum Alledum*, qui anno 1628. ex vivis excessit, *Mathesios* laude insigni notus, *Iohannem Baptistam Allium*, *Ludovicum Machaltum* militarium & Mathematicorum authorum cultorem, *Iohannem Mocenicum* Venetiis, *Claudianum Menetrium* Vesontinum, *Iacobum Lorinum* à Societate Iesu, *Nicolaum Rigaltium* Bibliothecarium Regium, *Franciscum Tondatum Sanlegerium* Avenionensem Jurisconsultum, *Iacobum Valesium* Scotum apud Delphinates generalem Thesaurarium, & Mathematicum peritissimum, *Eleazarum Peroneum* Ledigueriorum Viziliæ hortorum olitorem Phænomenorum cœlestium observatorem curiosum. An. 1628. *Caspar Asellus* Anatomicus Ticinensis librum edidit de venis lacteis in Mezenterio, & *Gustielmus Harveus* Anglus de reciprocatione sanguinis ex venis in arterias, & ex arteriis in venas per imperceptas anastomoseis, unde occasionem nactus *Peireskii* in harum rerum veritate expiscanda multum operæ collocavit. Domus ipsius hospitium commune fuit virorum doctorum, unde & humanissime anno 1630. excepit *Henricum Gornæum* Marchavillæ Comitem, destinatum Oratorem ad Turcarum Imperatorem; *Philippum Bethunium* Romæ, ubi Regis Galliæ Orator fuit, redeuntem; *Philippum Nannesium*, & *Emmanuellem Costæum* in Indiam profecturos; *Sannelem Petitem* Chronologicarum Eclogarum authorem; *Iacobum Buccardum* Parisinum virum doctissimum Romam commigraturum; *Antonium Natalem* Hispanensem Medicum, *Franciscum Gallaupium* nobilem Aquensem, Hebraicæ linguæ peritissimum. Porro familiares ipsi fuere *Vidus Brossius* Medicus celebris, & primus horum Regionum Parisiis instructor; *Gabriel Naudæus* Parisinus, postea Eminentissimi Cardinalis *Mazarini* Bibliothecarius; *Iacobus Golius* Arabicæ & cæterarum linguarum Orientalium, ac *Mathesios* vir peritissimus, qui *Thomæ Erpenio*, & *Willebrordo Snellio*, subtilissimo Mathematico, ut *Keplerus* eum nominat, in Academia Lugdunensis Professoriâ dignitate successit; *Ludovicus Meynerius* Lirinenfis Religiosus, insignis Mathematicus; *Iacobus Gaffarellus* vir Hebræis literis clarus, & anno 1633. Venetiis degens, quo anno *Peireskii* secum habuit *Petrum Gassendum*, & *Athanasium Kircherum* viros omni scientiarum genere, *Mathesios* cum primis notitiâ, cultissimos; *Azabium* Carpentoracensem Rabbinum doctissimum; *Michonem Burdolum* anno

1634. Medicæ artis stupendâ cognitione præditum juvenem; *Thomam Campanellam* Philosophum celebrem, & alios complures, quos cunctos omni officiorum & beneficiorum genere sibi adungere satagebat. Magnus igitur Literarum & Literatorum omnium Mecænas & fautor in id unum incubuit, ut totius Reipublicæ Literariæ bonum publicum, quantum in ipso situm erat, promoveret, ex re aliâ nullâ maiorem voluptatem capiens, quam ex Literarum, & Literatorum cultu assiduo, quo ipsi nil gratius & nil iucundius accidere potuit. Ereptus autem est Reipublicæ Literariæ tantus civis Anno 1637. 24. Junii, quo paullo antè horam à meridie tertiam expiravit, postquam annos 56. menses sex, & horas 20. vixisset.

Cæterum his ipsis temporibus nostris Literaria Respublica tam admirandi sui augmenti nomine Societatis Iesu Patribus, ac aliis plurimis viris admirabili eruditione excellentibus maxime devincta est, quorum præcipuis, ac præcipue iis, qui ad *Mathesin* evehendam, & in summo perfectionis apice constituendam omne studium, omnesque suas vires contulerunt, enumeratis Præloquio huic nostro finem imponemus. Ex Societate Iesu sunt *Franciscus Vieta*; *Christophorus Clavius*, qui totam *Mathesin* opere doctissimo complexus est; *Dionysius Petavius* qui evulgavit *Themistii* orationes, *Antonius Posservinus*; *Franciscus Aguilonius* librorum sex de opticiis author; *Iosephus Blancanus*; *Iohannes Baptista Gysarus*; *Christophorus Scheiner* Germano Suevus, qui maculas Solis primus observavit, & de iis doctissimum librum, *Rosam Ursinam* appellatum edidit, *Athanasius Kircherus* multorum scriptorum doctissimorum editione vir notissimus; *Georgius Fournier* Hydrographiæ Gallicæ author, & alii quamplurimi ejusdem Ordinis doctissimi viri per totum Terrarum Orbem dispersi, qui Literariæ Reipublicæ maximo adjumento partim fuerunt partim adhuc sunt. Ex cæteris etiam quamplurimis idem præstiterunt, & partim adhuc præstant *Simon Stevin* Brugensis *Mauricii* Auriaci Principis, & militiæ apud Consæderatos Belgas Imperatoris Mathematicus, vir Mathematicis scientiis maxime nobilitatus; *Wilhelmus Schickardus* in Academia Tubingensi *Mathesios* Professor anno 1635. è vivis exemptus, *Philippus Lansbergius* Gandavensis Illustrum Ordinum Zelandiæ Mathematicus, qui Hypothesis Copernicanæ utrum ignoratum hæcenus, invenit, & patefecit, totius aspectabilis cœli Geometricam mensurandi rationem revelavit, & simul tabulas motuum cœlestium perpetuas extruxit, omnium sæculorum observationibus consentientes; *Adrianus Metius* Alemarianus D. M. & *Mathesios* Professor in Academia Franeckerana. *Petrus Gassendus* Præpositus Diniensis, & Regius *Mathesios* Professor Parisiis, vir omni laude & celebratione dignissimus, qui post multos præclaros labores anno 1655. 9. Kal. Novembris post meridiem circa quartam horam mortalium cœtui valedixit peripneumoniâ extinctus, postquam

quam 63. annos, 9. menses, & 13. dies vixisset; *Godefridus Wendelmus* Condatensis Canonicus, & Mathematicus eximius; *F. Marinus Mersennus* plurimorum scriptorum doctissimorum author; *Ismael Bullialdus* Astronomiæ Philolaicæ conditor; *Martinus Hortensius* Amsterodamensis Mathematicus; *Renatus de Cartes* stupendâ *Mathesios* notitiâ excellens, qui totam rerum omnium Universitatem ad externas figuras, & Mathematicas Proportiones revocans, novam Philosophiam condere conatus est, æquè tamen, ut alii, ab effectis ad causas efficientes progrediens, & à Posteriori exordium sumens, ut juxta cum aliis in imperfectione hæreat, licet summam Methodi suæ perfectionem polliceatur; *Iohannes Hevelius* Dantiscanus vir magnæ eruditionis, & stupendæ sedulitatis in observandis astrorum motibus, cujus indefessis laboribus nuperum illud Selenographiæ opus admirandum Reipublicæ Literariæ totius civis cuncti summâ animi grati memoriâ acceptum fuerunt, incredibili expectatione adhuc plura præstolantes, quibus tam Illustri Viro magis ac magis devinciantur; *Laurentius Eichstadius* Medicinæ Doctor, inelytæ urbis Gedani Physicus, & in Gedanensi Gymnasio *Mathesios* Professor, Vir laboribus suis indefessis, & observationibus astrorum indefinentibus maximum Mathemati-

cis disciplinis emolumentum conferens, *Iohannes Wallisius* Sacræ Theologiæ Doctor & Geometriæ Professor Savilianus in Academia Oxoniensi; *Sethus Wardus* Sacræ Theologiæ Doctor & Astronomiæ Professor Savilianus in Oxoniensi Academia.

Atque hic est usque ad hæc nostra tempora decursus Reipublicæ Literariæ, quæ primum exiguis Græciæ limitibus coercita, inde in Italiam migrans, postea cum Imperio Romano collapsa, tandem resurrexit, & per totam Europam se diffundens in Germania, Gallia, & Italia adeo effloruit, ut in florentissimo nunc statu versetur, & maximâ civium suorum literatissimorum copiâ se jure ac merito efferat. Faxit *Dens*, ut eodem vigore magis ac magis provehatur, ac Religionum tot ac tam variarum divortia illa horrenda tam Magnatum quàm subditorum animos, qui Christianâ charitate coalescere deberent, divellentia, & Respublicas omnes, cum ipsa Republica Literaria in turbas indefinentes conjicientia, tollantur. Quo voto Præloquium hoc nostrum finimus, atque ad opus ipsum nos accingimus, id unum à Benevolo Lectore contententes, ut errores alicubi commissos latè diffusis materiis & rebus constantis operis difficultate excusare, & Christianâ charitate tegere velit.

